



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
Općinski načelnik

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 3. Pravilnika o raspodjeli novčanih sredstava za dodjelu jednokratne novčane pomoći licima kojima je u vrijeme trajanja stanja prirodne ili druge nesreće prestao radni odnos broj:09/B-11-2320/20 od 12.05.2020 godine, Općinski načelnik objavljuje

JAVNI POZIV
za dodjelu jednokratne novčane pomoći licima kojima je u vrijeme trajanja stanja prirodne ili druge nesreće prestao radni odnos

1. PREDMET JAVNOG POZIVA

Predmet ovog Javnog poziva je dodjela jednokratne novčane pomoći građanima općine Centar Sarajevo kojima je u vrijeme trajanja stanja prirodne ili druge nesreće izazvane virusom COVID-19 prestao radni odnos.

2. FINANSIJSKA SREDSTVA

Sredstva za dodjelu jednokratne pomoći su predviđena Budžetom Općine Centar Sarajevo za 2020. godinu i raspoređivat će se u skladu sa Pravilnikom o raspodjeli novčanih sredstava za dodjelu jednokratne novčane pomoći licima kojima je u vrijeme trajanja stanja prirodne ili druge nesreće prestao radni odnos broj:09/B-11-2320/20 od 12.05.2020. godine.

3. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na jednokratnu novčanu pomoć imaju lica kojima je u vrijeme trajanja stanja prirodne ili druge nesreće prestao radni odnos pod uvjetom da ispunjavaju slijedeće kriterije:

- a) da podnosilac zahtjeva na dan proglašenja stanja prirodne ili druge nesreće ima prebivalište na području općine Centar Sarajevo;
- b) da je podnosiocu zahtjeva utvrđen prestanak radnog odnosa za vrijeme trajanja prirodne ili druge nesreće;
- c) da primanja porodičnog domaćinstva ne prelaze iznos prosječne plaće ostvarene u FBiH u mjesecu prije proglašenja stanja prirodne ili druge nesreće (950,00 KM);
- d) da se podnosilac zahtjeva nalazi na evidenciji nezaposlenih lica;
- e) da podnosilac zahtjeva nije ostvario drugi vid jednokratne novčane pomoći iz nadležnosti Službe za boračko-invalidsku, socijalnu zaštitu i društvene djelatnosti Općine Centar Sarajevo.

4. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- uvjerenje o kretanju za podnosioca zahtjeva;
- prijava prebivališta za podnosioca zahtjeva;
- kućna lista;
- dokaz da je radni odnos prestao za vrijeme trajanja stanja prirodne ili druge nesreće (rješenje, odluka ili drugi pravni akt poslodavca);
- uvjerenje da se podnosilac zahtjeva nalazi na evidenciji nezaposlenih lica;
- dokaz o primanjima punoljetnih članova porodičnog domaćinstva;
- tekući račun podnosioca zahtjeva.

5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo, oglasnim pločama mjesnih zajednica Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren 30 dana nakon prestanka proglašenog stanja prirodne ili druge nesreće ili do utroška planiranih sredstava.

Zahtjev sa potrebnom dokumentacijom se podnosi Službi za boračko-invalidsku, socijalnu zaštitu i društvene djelatnosti-Odsjek za socijalnu zaštitu, poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 dana od dana podnošenja riješiti zahtjev i o tome obavijestiti podnosioca.

Neblagovremene i nepotpune prijave neće se uzimati u razmatranje.

Dodatne informacije se mogu dobiti na broj telefona: 033/562-447.

Općinski načelnik
Prof. dr. Nedžad Ajnadžić

